

Na osnovu člana 4. i člana 8. Zakona o koncesijama Zeničko-dobojskog kantona ("Službene novine Zeničko – dobojskog kantona", broj: 5/03) i člana 16. stav 2. Zakona o Vladi Zeničko – dobojskog kantona - Prečišćeni tekst ("Službene novine Zeničko – dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko – dobojskog kantona, na 22. sjednici održanoj dana 17.08.2015. godine, d o n o s i

O D L U K U

o pristupanju provođenja procedure dodjele koncesija za korištenje pitke vode iz magistralnog vodovoda Suha – grad Zavidovići za izgradnju malih hidroelektarana: MHE „PREKIDNA KOMORA“ snage 52 kW, na 9. (devetom km rijeke Gostović) i MHE „HLORNA STANICA“ snage 54 kW, na 18. (osamnaestom km rijeke Gostović), općina Zavidovići.

Član 1.

(Provođenje procedure dodjele koncesije za

MHE „PREKIDNA KOMORA“ I MHE „HLORNA STANICA“)

Pristupa se provođenju procedure dodjele koncesija za korištenje pitke vode iz magistralnog vodovoda Suha – grad Zavidovići za izgradnju malih hidroelektarana: MHE „PREKIDNA KOMORA“ snage 52 kW, na 9. (devetom km rijeke Gostović) i MHE „HLORNA STANICA“ snage 54 kW, na 18. (osamnaestom km rijeke Gostović), općina Zavidovići.

Član 2.

(Opšti eliminacioni kriteriji)

Opšti eliminacioni kriteriji za izbor najpovoljnije ponude za dodjelu koncesija iz člana 1. ove odluke su:

- Dokaz o uspješnom poslovanju ponuđača u posljednje tri poslovne godine,
- Dokaz o uredno izmirenim porezima i doprinosima,
- Idejni projekat i Studija o ekonomskoj opravdanosti koncesije sa procjenom u cilju zaštite okoliša,
- Garancija banke na iznos minimalno 20% od ukupne investicije, definisane u Studiji o ekonomskoj opravdanosti koncesije ili bjanko mjenica sa mjeničnom izjavom,
- Dokaz o izmirenim obavezama po postojećim koncesionim ugovorima,
- Dokaz o vlasništvu, odnosno pravu korištenja magistralnog dovodnog cjevovoda.

Član 3.

(Posebni kriteriji za ocjenjivanje ponuda)

Posebni kriteriji za izbor najpovoljnijih ponuda za dodjelu koncesije za izgradnju male hidroelektrane iz člana 1. ove odluke su:

- Minimalni iznos tekuće koncesione naknade je 5 % (pet posto) od ukupnog prihoda malih hidroelektrana, a najviše po ovom kriteriju: 60 bodova
- Minimalni iznos jednokratne koncesione naknade za MHE „PREKIDNA KOMORA“ i MHE „HLORNA STANICA“ iznosi 11.500,00 KM (slovima: jedanaest hiljad pet stotina konvertibilnih maraka), a najviše po ovom kriteriju: 30 bodova
- Učešće domaćih privrednih društava u izvođenju radova, koje će koncesionar angažovati je minimalno 50%. a najviše po ovom kriteriju: 10 bodova

UKUPNO: 100 bodova

Član 4.

(Vrijeme na koje se daje koncesija)

Vrijeme na koje se daje koncesija je 30 (trideset) godina, računajući od dana početka korištenja koncesije, odnosno početka proizvodnje električne energije.

Član 5.

(Preuzimanje tenderske dokumentacije)

Preuzimanje tenderske dokumentacije vršiće se uz prezentaciju dokaza o uplati naknade za učešće na javnom oglasu u iznosu od 1.000,00 KM (slovima: hiljadu konvertibilnih maraka).

Član 6.

(Javno prikupljanje i evaluacija ponuda)

Zadužuje se Ministarstvo za poljoprivredu, šumarstvo i vodoprivredu da putem Komisije provede postupak javnog prikupljanja ponuda, izvrši odabir u skladu sa odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru ("Službene novine Zeničko-dobojskog kantona", broj: 5/03) i predloži Vladi najpovoljnijeg ponuđača.

Član 7.

(Stupanje na snagu)

Ova Odluka stupa na snagu osmog dana od objavljivanja u "Službenim novinama Zeničko-dobojskog kantona".

PREMIJER

Broj: 02-_____/15.

Datum, 17.08.2015. godine

Zenica

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo za prostorno uređenje, promet i komunikacije i zaštitu okoline,

1x Ministarstvo finansija,

1x „Službene novine Zeničko-dobojskog kantona“,

1x a/a.